

**Broj: 08-14/33-113-2/15**  
**Sarajevo, 13.03.2015. godine**

Na osnovu člana 100. stav 3. Zakona o javnim nabavkama ("Službeni glasnik BiH", broj 39/14) i člana 6. stav 1. Pravilnika o postupku dodjele ugovora o uslugama iz Aneksa II. Dio B Zakona o javnim nabavkama („Službeni glasnik BiH“, broj: 104/14), direktor Federalne uprave civilne zaštite, donosi:

### **ODLUKU**

1. Prihvata se žalba ponuđača JU Zavod za medicinu rada i sportsku medicinu Zeničko - Dobojskog kantona izjavljena na Odluku o pismenom pozivu za dostavu ponuda broj: 08-14/33-113/15 od 27.02.2015. godine, u dijelu koji se odnosi na tehničke specifikacije, tako da se u tački I Odluke o pismenom pozivu za dostavu ponuda broj: 08-14/33-113/15 od 27.02.2015. godine, tabelarni pregled "Tehničke specifikacije" mijenja i glasi:

Specifikacija	Broj namještenika/državnih službenika
Sadržaj sistematskog pregleda uposlenika sa posebnim uvjetima rada: <b>A. MEDICINSKE USLUGE I PREGLEDI</b> <ol style="list-style-type: none"><li>1. Kompletan opći/internistički pregled (Uzimanje anamnestičkih podataka: lična, porodična, socijalna i profesionalna anamneza, antropometrijske parametre, sadašnje tegobe po sistemima, fizikalni pregled srca, pluća i trbuha)</li><li>2. Ciljnu obradu, odnosno funkcionalno ispitivanje pojedinih organa ili sistema koji su potencijalno ugroženi od štetnosti na radnom mjestu i u radnoj sredini, koje određuje specijalista medicine rada, u skladu sa odredbama pravilnika što uključuje dodatno prema potrebi pregled kardiologa, gastroenterologa, nefrologa, pulmologa</li><li>3. EKG sa interpretacijom</li><li>4. RTG srca i pluća (na indikaciju)</li><li>5. Spirometrija</li><li>6. Ultrazvučni pregled abdomena i urotrakta</li><li>7. Ultrazvučni pregled dojki kod žena</li><li>8. Ultrazvučni pregled štitne žljezde</li><li>9. Ginekološki pregled sa PAPA nalazom i transvaginalnim ultrazvukom kod žena</li><li>10. Urološki pregled i ultrazvuk prostate za muškarce iznad 40 godina.</li><li>11. Pregled oftalmologa</li><li>12. Neuropsijatrijski pregled</li><li>13. Ispitivanje funkcije kičme i ekstremiteta</li><li>14. Audiometrija</li><li>15. Pregled otorinolaringologa</li><li>16. Denzitometrija</li><li>17. Pregled psihologa</li><li>18. Zaključno mišljenje specijaliste medicine rada</li></ol> <b>B. LABORATORIJSKI PREGLEDI</b> <ol style="list-style-type: none"><li>1. Kompletna krvna slika sa diferencijalnom krvnom slikom, željezo u serumu, kreatinin, bilirubin, urea, sedimentacija SE, ukupni holesterol, HDL i LDL, trigliceridi, AST, ALT, GGT, ALP, šećer u krvi, testovi na drogu, kompletan urin</li></ol>	<b>215</b> <b>(od ovog broja 42</b> <b>žena)</b>

2. U tački VI stav 1. riječi: "18.03.2015. godine" zamjenjuju se riječima: "25.03.2015. godine".
3. Odbija se žalba ponuđača iz tačke 1. dispozitiva ove Odluke na Odluku o pismenom pozivu za dostavu ponuda broj: 08-14/33-113/15 od 27.02.2015. godine, u dijelu koji se odnosi na procjenjenu vrijednost.
4. Ostale tačke Odluke o pismenom pozivu za dostavu ponuda broj: 08-14/33-113/15 od 27.02.2015. godine, ostaju nepromjenjene.
5. Ova Odluka stupa na snagu danom donošenja, a objavit će se na web stranici Federalne uprave civilne zaštite.

## **O b r a z l o ž e n j e**

Dana 12.03.2015. godine ponuđač JU Zavod za medicinu rada i sportsku medicinu Zeničko - Dobojskog kantona, izjavio je žalbu na Odluku o pismenom pozivu za dostavu ponuda broj: 08-14/33-113/15 od 27.02.2015. godine u dijelu koji se odnosi na tehničke specifikacije i procjenjenu vrijednost.

Razmatrajući žalbu u granicama izjavljene žalbe, utvrđeno je sljedeće:

Tačkom 11. Plana nabavki - usluga Federalne uprave civilne zaštite za 2015. godinu broj: 07-14/33-92/15 od 20.02.2015. godine (u daljem tekstu: Plan nabavki) predviđena je nabavka usluga ljekarskog pregleda državnih službenika i namještenika ove Uprave.

Odlukom o pismenom pozivu za dostavu ponuda broj: 08-14/33-113/15 od 27.02.2015. godine objavljenoj na web stranici ove Uprave dana 04.03.2015. godine, pozvani su svi zainteresirani ponuđači za dostavu ponuda u postupku dodjele ugovora o uslugama - ljekarski pregled državnih službenika i namještenika Federalne uprave civilne zaštite.

Odredbom člana 8. stav 1. Zakona o javnim nabavkama („Službeni glasnik BiH“, broj: 104/14 u daljem tekstu: Zakon), a u vezi sa članom 14. Pravilnika o postupku dodjele ugovora o uslugama iz Aneksa II. Dio B Zakona o javnim nabavkama („Službeni glasnik BiH“, broj: 104/14), postupak pravne zaštite dodjele ugovora o navedenim uslugama provodi se u skladu sa odredbama Trećeg dijela Zakona - Pravna zaštita.

Žalba žalitelja je djelimično osnovana.

Da bi se provjerila opća zdravstvena sposobnost zaposlenika, te izdalo potrebno ljekarsko uvjerenje, u skladu sa Pravilnikom o uslovima za utvrđivanje radnih mjesta sa posebnim uslovima rada i ljekarskim pregledima radnika na tim radnim mjestima koji imaju beneficirani radni staž („Službeni list SR BiH“, br. 2/91), neophodno je obaviti pregled psihologa, otorinolaringologa, ispitivanje funkcije kičme i ekstremiteta.

Obzirom da Odlukom o pismenom pozivu za dostavu ponuda broj: 08-14/33-113/15 od 27.02.2015. godine, nisu obuhvaćeni navedeni pregledi, zbog toga je odlučeno kao u tački 1. dispozitiva ove Odluke.

Nadalje, obzirom da je ovom Odlukom došlo do promjene tehničkih specifikacije, neophodno je da ugovorni organ osigura dovoljno vremena za preduzimanje odgovarajućih radnji i pripremu ponuda ponuđača, pa je zbog toga odlučeno kao u tački 2. dispozitiva ove Odluke.

Planom nabavki utvrđena je procjenjena vrijednost ove nabavke usluga u iznosu od 150.000,00 KM, čija vrijednost se zasniva na ukupnom iznosu koji će ova Uprava platiti, a koja je utvrđena na osnovu finansijskih sredstava koja su izdvojena za ove namjene za 2014. godinu. U vezi s tim, neosnovani su navodi žalbe koji se odnose na procjenjenu vrijednost, pa je zbog toga odlučeno kao u tački 3. dispozitiva ove Odluke.

Shodno naprijed navedenom, riješeno je kao u dispozitivu ove Odluke.

Postupak pravne zaštite, provodi se u skladu sa odredbama Trećeg dijela Zakona - Pravna zaštita.

**DIREKTOR**

Fahrudin Solak

**DOSTAVLJENO:**

- Ponuđaču JU Zavod za medicinu rada i sportsku medicinu  
Zeničko - Dobojskog kantona
- Sektor 07
- Sektor 08
- Adnan Hrapović
- a/a